

09.03 PROFIL

Curdin Duriet: «Dal tut catolic n'era quai betg»

El ha dà il maun a dictaturs en Rumenia, ha gì da far cun drogas en l'Ollanda ed ha passentà la Revoluziun da las neglas en il Portugal. Curdin Duriet ha passentà 30 onns en otg differentes pajais en l'Europa ed Africa sco consul.



Uschia ha el emprais ad enconuscher la birocrazia dal sistem communistic e da guardar davos las fatschadas pumpusas da Bucarest. El ha vis baras en ils flums da Lagos, ha emprais da sa lavar à la franzosa a Lissabon ed ha exportà la tradiziun da far sauna da la Finlanda a Susch. Ses post il pli difficil haja el però gì en Svizra a Berna. Là avess el stuì relaschar bler persunal. Ma Curdin Duriet ha chattà in tric per evitar quai. En quest «Profil» udin nus be in pèr da bleras istorgias ed experientschas da sia vita sco biro communal dals Svizzers a l'ester. Tranter auter era, pertge ch'il program d'autocorrectura sin il computer ha midà ses mintgadi e daco ch'el ha adina profità d'esser in figl da pur.

Redacziun: Anna Serarda Campbell